

مجموعه ابو الخیر

ماسوا شایسته شدن دلی تطهیر و چاش
پرتو حکمت و عرفان ایله تنویر آتش

هر ماه عربی ابتدا سیله اون بشنده نشر اولور قنون مجموعه سیدر

جزء ۳۷ [فی غرة محرم سنة ۱۳۰۲] [نفعی ۳ غروش]

تقریب ایله محافظه ایدمه منسک . آمان ! ای کریم الشیم ! ایکسینی ده
برلکده حفظ ایله؛ هیچ اولمزه کندی نفسکه محبة بکا مرخته تترل ایت !
آمان یاربی ! بونه ذلت ! سکا مکتوبی دیز چوکړک وکوزمک یاشیله
کاغدی ایصلا تهرق یازیورم . مستدعیات مسکینانه می سکا اعلام ایدیورم .
بونکله برابر بو تضرعاتک معرضی بن اولم لازم کلدیکنی و دسیسه کارانه
کندی رسوای و محقر اتمکله مطاع و منقاد اوله بیله جکمی نیلیورم ظن
ایتمه . محرم . بو حاکمیت باطله یی سن آلدده صلاح و فضیلتی بکا براق .
ناموس سزلغم بهاسنه تابعیتکه مالک اولمقدن ایسه اسیرک اولوبده عقیف و
معصوم یشامنی ترجیح ایدرم . اگر بنی دیکله مکه رغبت و تترل ایدرسه ک ،
حیاته عودتی سکا مدیون اوله جق بر قیز طرفدن نه قدر محبت و نه قدر
تعظیم و حرمت بکلمکه حقک اولور ! ایکی روح صافک اجتماع لطیفده
نهدر او حلاوت ! نفسانی آرزولریکک مغلوبیتی سکا منبع بختیاری و بوندن
تذوق ایدمه جکک انبساط نامتاهی مستحق عالم علوی اوله جقدر .
ظن و امید ایدرم که کوکک میلان و ارتباطنه لایق کوردیکم برکوکل
کندندن بکلدیکم علو جنبی تکذیب ایتمز . ینه امید ایدرم که اگر او کوکل ،
بنم شو ضلالله اعتراف حامی سوء استعمال ایدمه جک مرتبه ده دنی ایسه ،
غیظ و انفعال ، ضایع ایتدیکم عقل و ادراکی اعاده ایدرم . و بنده ، بالاخره
کندوسندن حیا ایدمه بیله جکم بر عاشقندن خوف و احتراز ایلله جک قدر
دنائت کوسترم . یا عقیف و یا محقر اوله جقسک ؛ بنده یا مطاع و یا شفیاب
اوله جغم . ایشته اولمک تدبیرندن اول بو امید وحیدم قلمشدر .

مدحیت افندی حضر تارینه

اسکندر یونانینک مزار ی اوزرنده معاصری بولنان حکمانک ایراد
ایلدیکی نظقلری حاوی اولان مقاله علیه لرینی ترجمان حقیقته او قودم .

اسمعلری قید ایدیلان حکیم صرہ سنده برده (صولون) نامی
محرردر . مأخذ كرك نصل بر اثر اولدیغی بیله مم . فقط شوراسنی پك ایی
بیلیم که (صولون) اسکندردن ایکی یوز سنه اول دنیایه کلوب کتیش
بر حکیم ایدی . (من ۶۴۰ الی ۵۹۹) وینه بیلیم که (صولون) دن
صگره اونامده هیچ بر حکیم کلامش وگلشسه بیله تاریخ بزه بیلدرماشدر .
برده فیلوتاسك « اسکندرك حال حیاتبده بزه بردرس حکمت ویره .
مامش اولدیغنه شاشیم ! مکر وفاتی بزه بردرس کافی اوله جغنی کوروب
طوریورمش . » گلاتندن عبارت اولان نطقی کرچکدن ریا کارانه برطرز .
دهدر . چونکه فیلوتاس ما که دونیا جنراللردن مشهور (پارمه نیون) ك
اوغلی در . پارمه نیون اه ایسکندرك تعیین ایتدیکی قاتلر طرفندن اعدام
اولمش ایدی .

اسکندردن ایکی بیك یوز سنه صگره دنیایه کلانلره مجهول اولیان
شو حقیقت البته فیلوتاسك دخی معلومی اولق لازم کلیردی . بوجالده
برانسان باباسنی اعدام ایتدیرن برستمکاردن نه درلو درس حکمت مأمول
ایدر ! باخصوص وفاتك خلقه بردرس کافی اوله جغنی کوروب طوران
برآدم شونك بونك قانتمی کیرمك ایستر . ؟

معلوم عالیگردر که اسکندرك آسیاده وفاتی کونی دیوژن دخی
قورنتده وفات ایتمش ایدی . فرضا دیوژن صاغ اولمش بولنسه ایدی ده
ما کدونیا جنرالی طرفندن اوده سائر فیلسوفلر کی مدعوأ ویاخود بلا
دعوة نغش اسکندرك پیشنده حاضر بولنش اولسه ایدی ؛ عجبا نه بولده ایراد
مقال ایدردی ؟

حکیم مشار الیه ، مضبوط اولان مزاجنه کوره هیچ شبهه ایتم که
عثمانیلرک ضروب امثالندن اولان شو : « یرتیجی قوشك عمری آز اولور ! »
قولنه موافق برسوزله جهانگیرک ماهیتنی تعیین ایدر ایدی . ابوانضیا